

萬有文庫

第二集七百種

王雲五主編

明詩紀事

(四十)

陳田輯

商務印書館發行

明詩紀事

(四十)

陳田輯

國學基本叢書

明詩紀事卷八

戊籤

張含十一首

含字愈光永昌衛人正德丁卯舉人有禺山詩集六卷

四庫總目含學出於李夢陽又與楊慎最契故詩文皆慎所評定慎序有曰張子文必弓左字必許雅其推挹甚至然其病正坐此故變結字句而乏鏘鏘變化之功明人別有雕鏤堆砌一派含其先聲歟

升菴集愈光未尹能詩有驚人句及長博極羣書條入葉貫雄辯遼古神搜靈擊上獵漢魏下汲李杜寢歌途詠鞠明究噓弗工弗庸弗似弗止

鸛苑厄言張愈光詩如拙匠身山骨斧鑿宛然又如束銅錮腹滿中外遺

濁雅張愈光如蘭津天遠驚鴻浮空張之鴻雁不傳雲外字芙蓉空照水中花銅柱兼葭鴻雁響鐵城煙雨鷗鷺嘯此例數篇弗雅師分語

田按升菴謫瀛漢人賜給事十雲王命草廷表胡嗣使廷祿李荊州元陽唐食事錡張舉人含與升菴遊同時吳高河懋品題爲楊門六學士六人中以士雲及含爲傑出含集中詩與升菴者彌望皆是升菴序禺山集所謂於困窮節義之交萬言不竭者是也升菴贈含詩云迢迢禺氏山珠璧交晶英兩美必相合誰言容易并懷禺山云一刻一折扎一日一款襟禺山歌云張子生長禺山野蒼髯開口愛風雅翩翩欲度正始前栖栖不肯開元下平生眼中人誰爲愛才者申臺何大復梁園李空同結

交折行輩聲價騰煙鴻。壽張禹山歌云。壽君十載前。合樽促席在連然。壽君十載後。問月停雲遙舉酒。暇日檢海內交遊詩云。高河長句。禹山律懷我好音三百篇。海內絕句云。張含秀句滿天下。二人襟契不淺。詩格亦略相似。惟才還不逮升菴耳。

瘡痍

癩慢棲巖壑。憂時還淚垂。祇聞徵彩石。不復念瘡痍。海涸魚龍泣。城荒虎豹馳。歌謠無采使。紀詠舍吾誰。
離夕有贈效垂拱體

僊子武陵溪。春深歸路迷。翠翹迎露濕。羅袖避風颺。留佩花籠玉。分釵月印犀。金杯延落日。酒醒各東西。

潁川侯祠

野老爭傳潁川。當時功業冠南滇。平蠻營壘蒼山外。破虜旌旗白石邊。祇見荒祠通落日。不聞遺像照淩煙。陰風古樹無窮恨。長爲英雄弔九泉。

香祖筆記。永昌王端簡公安祚嘗屬余選張含禹山集。余尤喜集中潁川侯祠一篇。足稱詩史。至結句云。陰風古樹無窮恨。長爲英雄弔九泉。可以泣鬼神矣。

歲暮寄升庵

頻年爲客棲滇海。何日還家過錦城。謝傅風神動王導。李侯佳句似陰鏗。赤龍不見淩霄漢。銅柱徒聞起甲兵。時有交南兵事。月浦霜橋牽別思。嶺猿江雁總關情。

憶升菴

故鄉玉壘三千里。異域堂琅二十春。熨道方言兒女解。梵宮新偈錫緇鄰。鳳毛池上眞仙客。龍尾關前老逐臣。青史聲光日月動。白頭呼應馬牛頻。

閒適

圖籍珍收外史菴。杖藜閒過老僧龕。詩圓擬彈成何用。世變藏菴苦未諳。陵下茗華憐郭璞。階前蘭葉對羅含。高人自古多垂釣。上客今誰解左驂。

避世

偃蹇疏狂散髮人。青羹象飯不愁貧。鄰翁問字攜村酒。稚子眠磯守釣緝。肘露旋縫麤白袷。山遊纔帶小烏巾。誰知避世尋源事。只爲桃花不爲秦。

長安旅夜

委巷積雪數尺深。萬里鄉思絕難禁。客子倦遊是何意。梅花未開空苦吟。抱病維摩欲說法。不眠阮籍須彈琴。三更風急鴻雁響。歷歷哀音愁我心。

六言呈升庵

憶昨高燒風雨。三更燭下題詩。遙遶南鴻北雁。月明滿地相思。

獨步

青竹園中獨步，翻雲淹竹溪流。春花一開雙淚，春鳥一囀千愁。

有客約遊東湖不果

聞說東湖湖水清，荷花荷葉滿湖生。卽教閉戶從花盡，莫遣看花不盡情。

張合一首

合字懋觀含弟嘉靖壬辰進士授戶部主事改兵部吏部歷員外出爲湖廣副使。

田按懋觀與崔後渠論詩崔云唐人詩郊寒島瘦全怪俱自成一家今人詩皆是描紅未有自出機軸者懋觀云唐人詩本於心如太白好酒飛卿好色者言與心符故不可及今人詩與心迥異故格調雖規模古人而意味終不如此論爲當時摹古者進一解懋觀詩惜不多見

過閘

日斜候得閘夫來，鼓擊鑼鳴閘始開。獨有龍船先得過，南都中使進鮮回。

金大車四首

大車字子有其先西域默伽國人明初歸義賜姓居南京遂爲上元人嘉靖乙酉舉人有方山遺稿。

金陵瑣事羽伯陳公評青溪社中四子詩云高汝州近思雄壯奇拔馬國學承道博雅典則金文學子坤清新秀朗金孝廉子有則兼總諸長詞義雙美夫金氏昆玉尙有詩集若高馬二公人且不知其姓名也況於詩乎

列朝詩集。子有從遊於顧華玉。華玉極愛重之。子有詩法襄陽。隨州。搖筆立就。嘗有不堪搖落逢秋日。況復蹉跎入暮年之句。陳羽伯怪其壯歲出語不祥。死時年四十四。羽伯與其弟子坤掇拾遺詩。定次百篇。

田按。子有與陳羽伯爲素交。子有卒後。羽伯有詩哀之云。大金吾夙好。偉然清廟質。五色煥龍鸞。希聲中琴瑟。束髮友斯人。畢志期作述。沈冥同往歲。瀟灑弄文墨。吾方墮塵網。曠期阻親暱。豈意南陽別。歡好此焉畢。仰視天方輶。巫咸不世出。誦子臨歧贈。灑淚空永日。其爲儕輩歎慕如此。

漂母祠

王孫去不返。淮水亦東流。宿草封遺塚。行人說故侯。荒祠黃葉暗。寒渚白蘋秋。一飯猶懷德。空悲雲夢游。

祝禧寺訪馬承道

地僻秋堂靜。琴書此盍簪。短檠禪榻暗。微雨梵鐘沈。絡緯鳴莎徑。松杉繞石林。擁衾不能寢。山氣夜蕭森。

幽居

依依人境外。削迹散幽情。放棹晚潮至。閉門春草生。青蛉溪上浴。黃犢雨中耕。長日江村靜。惟聞伐木聲。

經廢寺有作

金身隨雨臥。紺戶藉風開。聽法龍辭樹。翻經石掩苔。藤花檐際冒。木魅洞中來。澗道千年檜。山僧手自栽。

金大興三首

大興字子坤。大車弟。應天諸生。有子坤集。

朱緒曾金陵詩徵。平湖高才困於諸生。曠達豪邁。不問家產。名日起而貧日甚。有詩五百餘首。生時貧不能梓。卒後郭次甫墓中有一漢鼎。售四十金。遂刻其集。黃淳甫序。謂大都清新婉麗。迴逼錢劉。

與文源朱二過溧陽道上

路歧苦奔峭。村舍多蕭索。遠水明石渠。疏雨散林薄。唧唧棲鳥喧。澹澹油雲幙。顏陽卽主人。野飯開山酌。窮途賴所歡。言笑解寂寞。丈夫江海心。何事勞羈縛。弭棹息遠遊。長歌耕負郭。

移居

素心厭囂雜。移居入窮巷。本無卜宅心。所貴寡輪鞅。草蟲鳴樹根。秋花旅階上。三徑竹陰多。一樽時獨賞。荆扉白日掩。事罕絕塵想。不見古臺榭。今來唯草莽。願言謝天伐。窮屋逃世網。

江上送陳元甫還江西

送君江上路。心逐斷雲飛。野飯投孤館。寒霜照客衣。鳥衝黃葉下。潮帶白蘋歸。故國方兵火。山中晝掩扉。

馮惟健一首

惟健字汝強。臨朐人。知府裕子。嘉靖戊子舉人。有陂門集八卷。

海岳靈秀集。陂門集。奇思駿發。古選冲逸。近體嚴整。

大泌山房集。汝強才情駿發。超然絕塵。

漁洋詩話。馮氏自閬山先生起家進士。以詩名海岱間。有四子。惟健。惟重。惟敏。惟訥。皆有詩名。惟敏兼工詞曲。惟訥纂古詩紀。

風雅廣逸諸書有功藝苑。

舊歲八月送舅氏及弟至下關。今秋出餞蔣丈復來江潯。觀山河風景有慘舊別。不見渭陽信。空懷枕杜憂。寄書驚別路。送客感深秋。見說之河洛。何時到錦州。遠人應貯望。去矣莫淹留。

馮惟重二首

惟重字汝威。惟健弟。嘉靖戊戌進士。官行人。有大行集。

大泌山房集。惟重刻意爲詩。無大歷以後語。

冷氏園亭待宋一川不至

宛宛淩溪曲。誰家雙竹門。鳥啼松菊徑。人坐桔槔園。白板明斜日。青山帶遠村。美人殊未至。搔首對平原。

遊張氏園

翠柳窺窗碧。朱顏映酒紅。花枝青浥露。蒲葉自翻風。荒徑思陶令。名山對謝公。酒闌仍悵望。家在海雲東。

馮惟敏七首

惟敏字汝行。惟重弟。嘉靖丁酉舉人。除涑水知縣。改鎮江教授。遷保定通判。有海浮山堂詩稿。石門集。

藝苑卮言。馮汝行詩。如幽州馬客。雖見伉儷。殊乏都雅。

大泌山房集。汝行文不爲刻削語。情事若指掌上。填詞尤號當家。西北人往往被之絃索。

海岳靈秀集。海浮詞雖逸而氣弱。律雖協而調卑。

列朝詩集。汝行善度近體樂府。盛傳於東郡。王元美謂李尙寶先芳。張職方重。劉侍御時達此調皆可觀。而惟敏獨爲傑出。其板眼務頭。擯搶緊緩。無不曲盡。而才氣亦足以發之。余所見梁狀元不伏老雜劇。當在王漢陂杜甫春遊之上。詩雖未工。亦齊魯間一才人也。

山左明詩鈔。張廷采惠夫云。海浮山在臨朐縣南二十五里。石青色無寸土。上有古松數百株。松下野生迎春。花時望若金嶺。下卽海浮先生別業。危樓三楹。顏曰憑襟。取水經酈注語也。左右古木千章。修竹數十畝。千霄蔽日。夏不知暑。薄暑杜句爲聯。云名園依綠水。野竹上青霄。可謂切矣。北臨冶泉。一名熏冶水。發源山之西麓。冶官祠。下隴爲巨浸。大百頃。淵深渟泓。游鱗可數。中產鯽最美。客至。主人舉網爲脍。又有臥雲。卽江南等亭。並在竹林中。石門亦勝地。似靈巖而差小。先生集名以此。田按。臨朐四馮。朱中立首推汝強詩。王秋史謂汝威爲四集之冠。朱竹垞謂汝言詩華整可觀。其賈氏之偉節乎。余謂終不若汝行之才氣縱橫也。

禽言三首

鳳凰不如我。竹實醴泉真瑣瑣。何不委形濁世中。飛鳴飲啄無不可。鳳凰不如我。

報穀報穀。透犁好雨夜來足。不愁田中惡草多。但願年年風雨和。夜來雨急風聲惡。聞道村南一尺雹。老翁歸來語老妻。村中報賽煮鳴雞。

向前還好。可惜今年種田少。早知今年勝去年。卽死不賣山南田。欲向靈禽頻借問。禽言味遠唯知近。能

知歲事報陰晴。不知官租重與輕。

黃見源再過小齋而余闕一造謝微名羈人無論遠近雨中話舊漫賦此章

欲渡西津屢未能。閒官猶自愧良朋。微茫一水成疏越。咫尺三山阻共登。每憶春風燕市酒。重憐夜雨郡齋燈。高情從此頻過訪。苜蓿盤餐恐不勝。

夜登金山絕頂

亭在丹霄第幾層。翛然吾與月同升。望中更覺天無際。立處惟愁地不勝。風靜沈沈聞梵磬。雲開隱隱見漁燈。吏情最喜滄洲近。欲託幽棲恨未能。

紫荊關閱武

萬年天險關鴻濛。不數崑函百二雄。勅使觀兵中執法。守臣分輔右扶風。從來肘腋三關重。此去華夷一路通。今日正煩廊廟策。安危何獨在元戎。

貽獨往生

不見獨往生。依稀想幽事。買藥遊江城。夜宿城邊寺。

馮惟訥七首

惟訥字汝言。惟敏弟。嘉靖戊戌進士。除宜興知縣。改魏縣。歷蒲州知州。揚州同知。改松江。徵授南

戶部員外進郎中改兵部出爲陝西僉事歷河南參議浙江副使山西參政按察使陝西布政使改江西加光祿卿致仕有光祿集十卷

四庫總目馮惟訥古詩紀前集十卷皆古逸詩正集一百三十卷則漢魏以下陳隋以前之詩外集四卷附錄仙鬼之詩別集十二卷則前人論詩之語也時代縣長採摭繁富其中真偽錯雜以及抵牾舛漏所不能無故馮舒作詩紀匡謬以糾其失然上薄古初下迄六代有韻之作無不兼收溯詩家之淵源者不能外是書而別求固亦採珠之滄海伐木之郢林也

藝苑卮言馮汝言詩如晉人評會稽王有遠體而無遠神

海岳靈秀集少洲詩俊逸秀麗縱橫繩墨間時出奇鋒

送杜明府謝政還遼

仙郎逸氣橫朝野傲岸不落風塵下邴丹六百輒免官玉陽九折能旋馬羈心浪迹日悠悠楚水吳山十度遊秋風君度紅驃磧知我題詩白鷺洲

同葉司法登北固山甘露寺

紺園臨楚郭碧巘控吳關閣道傳多景江光合二山雲隨前代盡歌及此身閒況是逢山簡誰能不醉還

送王閣山赴均州別駕

迢遞糜城道看君白髮新孤猿楚山夜芳草漢江春去國懷明主憐才憶故人呂虔如有贈時拂寶刀塵

隴州閻氏水亭延栢泉小集

習家臺榭枕滄浪。飛蓋西園共舉觴。一徑花香含宿雨。千林樹影帶斜陽。莫辭醕酎留山簡。自喜追隨有葛強。明發征輶各回首。兼葭秋色正蒼蒼。

至都始見峻伯留宿廨舍

可憶毘陵夜雪船。亂帆相背各風煙。探囊詩卷行堪把。計日心期又隔年。秉燭更疑成別夢。當杯翻怯近離筵。同遊自昔多豪彥。獨對狂歌倍黯然。

毘陵舟中夜別萬吳二明府次俞汝成韻

渡口雲深樹色蒼。孤舟寒雨共離觴。憑君莫話從前事。只是無言已斷腸。

皋蘭觀兵

露骨山前月色高。夜聞胡騎在臨洮。將軍未挂平羌印。獨倚長虹看寶刀。

栗應麟三首

應麟字仁甫。潞州人。嘉靖己丑進士。除陳州知州。歷順德同知。遷陝西僉事。有去陳集、家藏集、碧虛漫興。

四溟詩話。晉川詩清雅不減劉文房。

謝安詩鈔前編程二漳曰晉川詩集大梁高叔嗣爲之序稱翰林唐荆川許栗氏兄弟詩可傳世

謝茂秦將赴晉陽留餞園亭以詩識別分韻得秋字

盡簪方讌晤引轡復西遊草白晉陽路霜清汾水秋詩名無去住客計有淹留心在浮雲外飄然不繫舟
山居閱道經

棲幽寡繁繁端坐閱玄書深院無塵雜閒心自靜虛煙霞悅野性水竹伴山居不是能甘廢疏庸與世殊
古意

抱瑟空相憶臨妝復自疑宮中莫深妬妾豈是蛾眉

栗應宏八首

應宏字道甫應麟弟嘉靖乙酉舉人官南陽通判有太行集十六卷

四溟詩話道甫弱冠工詩與兄仁甫齊名所作含英咀華風調簫別其論詩曰詩貴解悟識有偏全斯作有高下古人成家者如得道故拈來皆合拘拘於述者未矣又曰詩莫古於風雅皆可解漢樂府有不可讀者聲詞雜寫之調由譜錄爾

列朝詩集高子業解司封歸道甫擔簦相造雞黍定交子業作紫園山人歌贈之云紫園高山槩青雲栗家兄弟殊不羣陳州一出驅五馬令弟二十窺三墳

田按道甫兄弟與謝茂秦高子業遊甚有詩名近體沈思研鍊不落尋常蹊徑

遊五龍山

巖壑古留迹。藤蘿春可捫。遊人歷世代。零露越朝昏。鶴夢通雲島。猿嘯下石門。浮沈只自異。感念復何言。

西還留別李嵩潛僉憲

并州舊辟土。梁苑惜離心。飲餞洪河滸。言旋王屋岑。白雲看是伴。芳樹若爲吟。遙憶惟明月。松窗理玉琴。

贈古鏡禪師

福德茲方久。真知老益耽。村居皆法食。弟子徧行菴。飛杖山泉落。開經猿鳥參。本來無住著。何異古瞿曇。

登泰山

泰嶽岩嶢凌碧空。魯宮漢峙草煙中。淒淒零露朝昏易。漠漠浮雲世代同。東度欲隨蓬島客。上清期謁玉宸宮。海田陵谷尋常變。安得神遊一御風。

龍山中行漸及幽遠

晴巒遠近草煙濃。屨杖逍遙世外蹤。採藥偶然逢異境。看雲不意入羣峯。橋邊父老說黃石。山上仙翁憶赤松。自覺漢陰機已息。茲遊麋鹿遂相從。

寄酌謝茂秦都中見貽

有客高懷共酒樽。歧途悵望別都門。鄴中才子能爲賦。稷下先生久放言。日暮冥鴻經旅館。春初芳草憶王孫。思君欲寄清漳水。直到檀欒修竹園。

柏谷

柏谷東連十八盤。山行時到玉虛壇。黃庭道士能留客。旋煮人蔘作早餐。

都城別二皇甫謝山人

燕中春盡塞鴻鳴。久別相逢俱客情。斗酒與君相共醉。浮雲聚散不須驚。

侯一元二首

一元字舜舉。樂清人。嘉靖戊戌進士。除南刑部主事。歷員外郎中。出爲廣東參議。歷河南副使。廣西雲南參政。廣西按察使。河南江西布政使。有《二谷集》二十卷。

靜志居詩話。二谷詩雖率易。然有真趣。

寄石屋

一枝棲已定。舊業未全貧。白水連三畝。青山作四鄰。鳥蟲披古篆。牛馬應時人。獨愛林間月。無由寄許詢。

夜渡甌江

暝色度歸橈。長風動汶寥。漸藏江岫月。正落海門潮。委運同飄瓦。全生學緯蕭。江湖易成夢。頓欲謝清朝。

侯一麐一首

一麐字舜昭。一元弟。有《龍門集》。

和家兄南塘書懷

人意各有適，自得貴不違。潛蚪本淵媚，冥鴻入雲飛。南塘山水清，可以築釣磯。日夜起棹歌，處處見樵漁。野老多農語，東鄰聞讀書。當知陶晏意，奚必市廛居。

何良俊二首

良俊字元朗，松江華亭人。嘉靖中貢生，以薦授南翰林孔目。有柘湖集二十八卷。

四庫總目：良俊頗有文名，所作縱橫跌宕，亦時有六朝遺意，而落筆微傷太快，殆亦才人輕脫之習歟。

司勳集：吾鄉文徵仲以推擇待詔金馬門，後十餘年而蔡九達繼爲南孔目，嫻於文辭，聲聞藉甚。世傳南館集云：後二十餘年，而何君繼之。杜甫草堂，開於潭水，羅含精舍，寄之江陵，加以談若懸河，識同藻鑒，車騎填門，履綦沓座，狎梵侶以玄探，結勝流而觴詠，每一篇出，匪但藝苑翕推，而閭巷遞誦。君又妙解音律，晚畜聲伎，樽疊傾於北海，絲竹理於後堂，躬自倚歌，尤長顧曲。江左餘風，不在茲乎？

列朝詩集：元朗清詞麗句，未逮文藝，然文以修謹自勵，蔡以豁刻見譏。元朗風流豪爽，爲時人歎美，二公殆弗如也。靜志居詩話：元朗詩頗率易，其買宅句云：一須焦革鄰舍，二要秦青對門，興固自豪，第乖好樂無荒之旨矣。田按：柘湖放誕不羈，賴有才情，足以濟之。

白下春游曲

萬片天桃迎笑靨，千條弱柳鬪纖腰。潘妃死後芳魂在，散作城南一段嬌。